


大衆大方等

日藏經

第九

九十四  
虞九

47713



佛日增輝 佛日增輝  
佛日增輝 佛日增輝  
佛日增輝 佛日增輝  
佛日增輝 佛日增輝

佛日增輝  
佛日增輝  
佛日增輝  
佛日增輝



大乘大方等日藏經卷第九

松山三藏 虞

隋天竺三藏那連提耶舍譯

送使品第九

尔時娑伽羅龍王白光味菩薩言大德乃能  
憶念如是過去宿命劫中種種善業無量往  
事而不忘失及說虛空星宿照明安施法用  
悉皆了達一一無遺於三界中最尊最勝智  
慧第一更無能過是故彼龍并及我等如是  
方便得脫此獄離於苦惱憐愍衆生慈悲一  
切功德戒行及婆羅多莊嚴於心一切滿足  
是時光味語諸龍言我今非是佉羅虱吒苦  
行仙人亦復不能於虛空中置於星宿今我



說者神通力知汝娑伽羅諸龍王等莫作是  
說我實不能然此佉羅虱吒仙人宿往因緣  
說猶未盡尔時帝釋及諸梵天各向佉羅虱  
吒仙人齊共合掌作如是言我等樂聞唯願  
更說我等梵天諸天中尊猶如大仙聖人中  
尊我諸天中有梵行者若於種種神祇呪術  
我皆了知亦能為他分別廣說時虱吒仙言  
若能如是亦可教化一切衆生悉令知之是  
時青眼帝釋天主在於衆中虱吒仙人語帝  
釋言天主一切善法必令具足任持於世常  
使照明修善法人擁護勿捨若有精進樂善  
衆生持戒多聞修禪學慧如是等衆天主應

當供給所須衣服飲食卧具湯藥種種施與  
令無有窮我說虛空星宿法已今此世界諸  
地分中各有龍王停止守衛如娑伽羅龍婆  
婁那德義迦寶護大行瞿娑羅婆蘇婆呼嚧  
俱義婆私無俱義等此八龍王護於海中能  
令大海無有增減阿奴馱致毗昌伽蘇致婆  
婁那得于閻婁義婆此四龍王守護池中出  
一切河是故諸河流注無竭難陀優波難陀  
此二龍王守護山中是故諸山叢林鬱鬱茂婆  
須吉婆娑羅囉蓋輸盧瞿摩祇利亦為守護毗  
梨沙閻浮伽赤眼娑羅娑帝於小河水而為  
守護悉陀摩奴阿羅蘇摩賀盧喝利於聖人

所及諸藥草而爲作護堅固緊輸迦歡喜此  
於地中而爲守護最勝光毗喻婆三婆毗離  
耶尸棄此於火中作護動摩都劣三摸地羈  
蘭那羈賴車此於風中作護優羅婆羅阿闍  
耶帝羅娑婆羅此於樹中作護吁噓呵張火薄  
脚羅沙斯此於華中作護香常跋陀耶邏婆  
遮富婁那迦羅此於果中作護阿起林婆毗  
遮娑多吁噓脂多末羅伽彼中毗首羯摩蘇  
摩敬師奇和沙月眼此四種一切工巧爲最  
守護羈羅睺陀羅僧伽那斯阿蘭那懼無迦  
如此四種夜叉於一切福德布施等中能爲  
作護金剛眼師子眼善見眼三槩如此四種

一切龍護如是等各各爲護尔時光味菩薩  
於諸仙聖天人龍中最上最勝憐愍一切苦惱  
衆生是故於此救諸龍厄令得解脫時光味  
菩薩作是思惟云何當令彼諸龍等於三寶  
中迴心歸向即以方便善巧音辭次第教言  
一切龍王信於我者我實不能拔濟於汝今  
有大聖一切智人乃能施汝安隱無畏我所  
讚歎佉羅虱吒仙人功德如是說法非我小  
德辦於斯事彼聖人者過去無量阿僧祇劫  
已曾修習種種福德一切難事皆悉能捨所  
謂象馬種種寶車妻子國城金銀輦輦奴婢  
衣裳牀榻敷具衆生須者稱意與之或復手

足耳鼻舌身頭目筋骨皮肉肌膚求無吝惜  
速能滿足六波羅蜜具大慈悲於苦惱衆生  
能令解脫爲諸衆生得安隱故乃至處於地  
獄之中救濟衆生心無暫捨亦不自爲得成  
佛道欲令一切惡趣衆生得脫種種老病死  
苦是大仙人乃往過去無邊劫中經歷是等  
種種願行而是仙人生生世世堅固精進勇  
猛慈悲引接衆生安涅槃道又彼佉羅虱吒  
仙人無量劫來種種福德具足圓滿乃至生  
於淨飯王家託在摩耶夫人腹內旣出生已  
舉手唱言我三界中最尊最勝放種種光能  
與一切衆生安樂光因緣故感動無量天龍



夜叉及阿脩羅人非人等一切悉來而共供  
養又於生時一一方面各行七步脚所蹈處  
皆有蓮華承捧其足以此脚踏行步因緣一  
切山河地及大海悉皆濤動如是變現出生  
功德又釋迦子能令我等一切衆生解脫生  
老病死寂滅安隱離諸怖畏到涅槃城說是  
語時一切諸天阿脩羅衆龍及夜叉輒闍婆  
緊陀羅摩睺羅伽人非人等各散種種衆寶  
雜華塗香末香於虛空中猶如雨下以用供  
養種種讚歎介時光味菩薩爲諸大衆而說  
偈言

過去無量僧祇劫

種種布施習檀那

清淨尸羅及羸提  
安樂一切衆生故  
宮中六萬后妃嬪  
獨處六年修苦行  
精進晝夜不睡眠  
菩提樹下思惟坐  
四方上下地及空  
如是魔軍及眷屬  
成就無上勝菩提  
見聞種種無怖畏  
常於一切衆生中  
真實智慧具足滿

精進坐禪學般若  
備忍種種諸苦辛  
棄捨出家如脫屣  
日食一麻一米麥  
身形唯有皮骨在  
八十萬衆天魔來  
八十由旬悉充滿  
音能破壞使歸降  
得證第一義諸果  
其心寂靜如涅槃  
等心愍念無偏黨  
教導一切諸天人

無一衆生起邪惡  
又於一切衆生類  
不生惱亂毒害心  
悉能令其得解脫  
拔出衆生使獲安  
大聖悉皆往救濟  
能却其惡及憂愁  
慈心出汝此獄中  
不自在者悉稱心  
得彼聖人救濟者  
各還所止恣意遊  
大聖過去修萬行

如是慈悲徹骨髓  
乃至蟻子及蝟飛  
一切衆生流轉中  
又於繫縛諸有獄  
絀是小小如椿身  
彼諸龍等一切衆  
是故大聖哀愍來  
廣說無邊深秘要  
一切歸家安隱住  
不畏金翅諸鳥王  
如本受樂心無異  
不許惱亂一衆生

汝等所有諸灾惡

魔王所為非佛作

莫起餘心謗毀佛

受我教誨發菩提

勿生疑惡自迷沒

一一皆如我前說

尔時一切諸大龍王所有眷屬男女大小在

於牟尼聖人處者聞此說已各各一心齊共

合掌作如是言南無南無大聖一切世間眾

生中勝具一切法到自在岸能與一切眾

生解脫能與一切眾安樂能與一切眾生歡

喜能令一切到智慧彼岸於諸眾生慈悲平

等令修善法悉具足滿成就一切善業眾

生安立善道與實法眼於天龍中作上福田於

三界中最勝最尊能受世間一切供養我等

諸龍同共辛苦滿此獄中未能得出如是至  
心禮拜歸命說此語已一切龍等悉得本形  
雖復奮身而猶不能於彼山中免離得出介  
時一切諸龍王等復白光味菩薩言唯願救  
濟如大德說彼聖人者於諸衆生不起惱亂  
常施安樂此言成實我今信受無有疑心名  
愍衆生慈悲救濟唯願速來令我等輩出彼  
魔獄是時光味告諸龍言彼大聖人具足智  
慧牟尼如來心常憐愍一切衆生修習諸善  
捨於諸惡大悲普覆於流轉中精勤勇猛接  
引衆生於菩提道令得安隱現見因果成就  
佛眼一切菩薩摩訶薩過去久遠不瞋因緣

悉皆具足慈悲喜捨四梵行法復次菩薩摩訶薩道行因緣中生因緣生已種種惡趣及慈悲行皆已說竟復次彼佛如來世尊住無量阿僧祇恒河沙等諸佛刹微塵等無量無邊清淨阿耨多羅三藐三菩提行故六波羅蜜悉具足滿菩薩摩訶薩出於流轉生死海故到大涅槃智慧彼岸壞四魔故紹三寶種不斷絕故能以法水洗諸衆生一切煩惱垢令清淨故如來如是永離攀緣說四梵行復說如性出相離相及離我見一切法等無盡方便謂於五陰十八界十二入實諦觀故四大差別生死等法皆得滅盡方便離於貪瞋

癡等一切煩惱體性悉空無衆生界離諸攀  
緣無喜離喜無行離行無物離物無想離想  
無諸障礙無有處所無塵無染無暗無明不  
可捉持無自無他不來不去無異離行乃至  
一切陰入界等智眼體性非暗非明不行不  
生法界真實不滅不壞如如不生法界真實  
皆空過去一切諸法等中悉皆了達是真攀  
緣如來從生若有菩薩於是法中達到彼岸  
具足充滿六波羅蜜猶如虛空離色離觸如  
是心得無障礙智普斷一切諸見及習悉皆  
除盡如是得離一切煩惱是名菩薩摩訶薩  
離觀四種梵行之法是時光味說此法已時

彼衆中娑伽羅龍王毗昌伽蘇脂龍王須摩  
呼噓迦沙護寶龍王如是等龍王已於過去  
菩薩行中修習福德發弘誓願念宿命已即  
得光明照耀陀羅尼餘諸龍衆八十那由他  
亦曾過去種種願行悉修習來一切皆發三  
菩提心得於三昧爾時光味即自化作聖人  
之身如菩薩形與諸仙等乘神通力從虛空  
中往如來所

大乘大方等日藏經念佛三昧品第十

爾時一切諸龍衆等信受光味菩薩之言皆  
悉至心歸依於佛歸依於法歸依於僧作是  
歸時魔王波旬親見親聞既見聞已大生驚



怪怖畏不安瞋恚憂愁遍身流汗舉手摸頭  
而說偈言

呵呵看彼甚大笑

姦偽幻惑釋沙門

誘誑諸龍皆歸已

迷忤一切諸衆生

惑亂道中妄安立

實非言是我法真

如是實法若得時

彼中始終應不失

尔時波旬說是偈已彼衆之中有一魔女名  
為離暗此魔女者曾於過去植衆德本作是  
說言沙門瞿曇名稱福德若有衆生得聞佛  
名一心歸依一切諸魔於彼衆生不能加惡  
何況見佛親聞法人種種方便慧解深廣爰  
王今者欲於如來及學佛道者邊興造惡心

終不能成時魔王言沙門瞿曇解達真如智  
慧廣大於空法中深入堅固自既度脫生死  
大海又教衆生亦皆出離魔女荅言如王所  
說若於空法覺實際者設千萬億一切魔軍  
終不能得須臾為害如來今者開涅槃道女  
欲往彼歸依於佛即為其父而說偈言

離相不着人中勝

如如常住天中尊

到於彼岸智慧城

我今欲往歸依彼

修學三世諸佛法

度脫一切苦衆生

善於諸法得自在

當來願我還如佛

尔時離暗說是偈已父王宮中五百魔女姉  
妹眷屬一切皆發菩提之心是時魔王見其

宮中五百諸女皆歸於佛發菩提心益大瞋忿怖畏憂愁即作是念我今當行大魔王力大魔王威於自宮中魔王坐處極盡神化當彼聖人牟尼住所一切諸龍和合集處作大火石從虛空中一時雹下碎彼諸龍及光味仙人使其速散若彼去者我魔王宮乃可安樂作是念已即於空中放大火雹如雨而下是時如來以神通力變彼火石悉爲天華繽紛亂墜墮伽羅坵滿山頂上聖人住處悉皆充遍一切龍王莫不歡喜是時魔王見雹下於聖人住所即自指示五百女言諸女好好有今彼處所一切諸龍眷屬大衆歸依沙門瞿

曇邊者我已破碎一切如塵何況我宮而不能壞若我宮中有欲歸向於瞿曇者要當使其如彼不異是時五百諸魔女等更為波旬而說偈言

若有衆生歸佛者  
何況欲度生死流

彼人不畏千億魔  
到於無為涅槃岸

若有能以一香華  
發於堅固勇猛心  
何況畢定求作佛  
或復至心來佛邊  
即發不退菩提道  
得佛金剛不壞身

持散三寶佛法僧  
一切衆魔不能壞  
若有精誠持一戒  
聽受一句微妙法  
決定一切衆中尊  
能摧一切四魔衆

父王但看諸龍等

各散種種香華雲

唯佛世尊能了知

非是魔王之境界

獨一導師處於世

說於殊勝難思議

所作一切皆吉祥

能令衆生罪業除

我等過去無量惡

一切亦滅無有餘

至誠專心歸佛已

決得阿耨菩提果

尔時魔王聞是偈已倍大瞋恚怖畏煎心焦

悴憂愁獨坐宮內是時光味菩薩摩訶薩聞

佛說法一切衆生盡離攀緣得四梵行當於

佛前從空而下到佛所已光味菩薩與其大

衆為佛作禮右遶三匝却住合掌而白佛言

世尊如來說彼四禪地依止心念陀羅尼以

是陀羅尼呪術力故我憶過去有二婆羅門  
子以欲事故罪應合死為官所收殺時未到  
王勅有司付於牢獄半月半月時給一食五  
縛繫身兩手兩足悉皆桁桮咽喉被鎖飢渴  
難堪兼復畏於死時將逼獄中一心歸依於  
佛彼時有佛名曼陀羅華香專意佛邊遙求  
救濟是時彼佛憐愍衆生及我等故於自座  
中現佛境界大神通力說四禪地依止心念  
陀羅尼作如是言我以佛力令彼獄中二婆  
羅門聞此四禪地依止心念陀羅尼聞已歡  
喜至心憶念以是因緣令其所有的一切惡業  
一切障礙若今生中惡業障礙若多生中諸

惡業障若煩惱障法障衆生障捨施障智慧障生活障壽命未盡橫死障意欲不生繫地所牽業力障礙若有清淨佛刹之中情願欲生而不得往違心障礙如此一切惡業障礙聞此四禪地依止心念陀羅尼因緣故喉及手足五種枷鎖自然一時脫落在地即於獄中得陀羅尼力以神通力故得出於獄從虛空中到曼陀羅華香佛所禮拜供養盡其壽命即得往生山光佛刹彼佛世尊名曰雲色從雲色佛求請出家既出家已生生世世無量劫中常得不生於空佛刹恒值佛世如今此刹娑婆世界三千大千佛土地及虛空乃

至阿迦膩吒天人非人等皆悉充滿時彼佛  
刹一切衆生地及空中乃至阿迦膩吒天亦  
復如是一切衆生具足惡業及諸障礙以彼  
如來爲衆生故說此四禪地依止心念陀羅  
尼身口意惡悉皆消除若聽聞此陀羅尼力  
一切三世諸罪惡業悉滅無餘又彼衆生種  
種更得人忍三昧陀羅尼乃至壽命欲盡之  
時此間死已如願欲生他方清淨佛刹應念  
即生得於宿命常勤精進行十善法常不復  
墮三惡道中常能修行六波羅蜜常行四攝  
常得見佛常聞於法常供養僧常得四禪及  
五神通常具足得四梵行念生生世世常與彼



法和合共生乃至涅槃未曾捨離佛言善哉  
善哉善男子汝為大利益衆生故作如是說  
過去宿命發心因緣今時世尊復告光味菩  
薩言善男子諦聽諦聽若有比丘比丘尼優  
婆塞優婆夷或男或女有信心者欲於三乘  
及餘道中願得速證涅槃道盡一切苦者欲  
得一切聞持在心一切身口意業清淨欲護  
佛法欲求種種利益種種衣食一切豐饒自  
在殊勝端正大力眷屬強盛國土富安職位  
高遷多人敬奉聰明智慧最尊最勝行住四  
儀常無所乏及樂種種施戒坐禪得諸三昧  
乃至無色一切有頂所有三昧亦復樂於四

梵天行若有樂於陀羅尼人望得如是種種  
衆事而彼惡業堅固厚重諸業障礙煩惱障  
礙乃至欲生清淨佛刹不生障礙以如是故  
種種善願不得稱心欲令如是種種惡業速  
滅盡者而此衆生應淨洗浴着鮮潔衣菜食  
長齋勿噉辛臭於寂靜處莊嚴道場正念結  
加或行或坐念佛身相無使亂心更莫他緣  
念其餘事或一日夜或七日夜不作餘業至  
心念佛乃至見佛小念見小大念見大乃至  
無量念者見佛色身無量無邊彼佛身形三  
十二相於一一相亦念亦觀皆令明了隨所  
見相見青光明於彼光相專精繫意無令心

亂作是念時而誦是呪

哆經吽

毗視林婆毗視林婆

鬱頭波馱

避耶

毗視林婆

斯那婆頗羅斯婆頭羅

阿菟那多他侈

阿菟那多他侈

復嘘多

俱致毗視林婆

毗視林婆

莎呵

如是一相在於前心勸勸專念不起亂想然

後誦此陀羅尼呪乃至念於佛身相中青色

出光彼光出已從行者頂入尔時安心慎莫

驚怖於自身中見於此光如彼青色念此青

光於自身中各各支體處處遍行乃至一切

身中火然見火然已乃至成灰及四方風來

欲散滅如是念時見於自身無有一相唯有

空在乃至十方皆悉是空不見一色如是念  
佛青色力緣誦持於呪成就此行善男子若  
復有人如是繫念不散亂心學四禪地依止  
心念陀羅尼而彼衆生一切業障煩惱障法障  
罪障業皆盡唯除五逆破毀正法誹謗聖人若  
復有人如是樂者能如上習念佛三昧一日  
一夜口能誦持一切佛法一切外道十八種  
論智慧勝處如是種種句義文章悉皆憶持  
無有遺忘又一日夜得於四禪四種神通四  
無量行四種辯才及四無色三摩跋提如是  
等法一切成就具足得之如是修者乃至能  
於一彈指頃到一佛刹及無量刹又以一足

能動如是無量刹土過是等刹亦能動搖能以一身結加趺坐遍滿諸刹如是世界能令水滿十方塵數皆能數知能以七寶滿諸國界又復彼人於一念頃悉能得知生死業報過去現在及以當來一切衆生所有心數又彼行人能以一身種種化作一切佛身帝釋天身梵天王身那羅延身摩醯首羅身四天王身轉輪聖王身乃至水火遍滿虛空又復彼人如是念者能一念中一切十方地及虛空種種華滿七寶充遍一切衆香傘蓋幢幡種種衣裳種種瓔珞一切虛空皆悉能滿若復有人至心修習此四禪地依止念佛三昧

一一差別諦識了達時彼衆生如是無量惡業悉盡如是無量福德精進種種三昧種種陀羅尼種種忍及五神通於餘乘中速得滿足流轉海中畢定疾出除五無間謗法誹聖不得是法彼人應須經七七此四禪地依止念佛三昧心內熏修於此法中常說修習

不捨離者一切罪盡若不專心罪兩分盡平常用心罪一分盡如是修習須精進心純信敬心能如是者彼惡乃盡若復有人此四禪地依止念佛三昧或天中說或人中說若彼天人信心聽受如此三昧內自思惟生於歡喜如是之人若在牢獄五鎖繫身或復餘處

受辛苦者悉得免脫若失生活或復求財或  
打或燒或臨河水或被毒藥或爲種種怨家  
來侵或一切鬼或一切幻或復國王種種怖  
畏或自家中鬪諍口舌或復他人橫來瞋怒  
或死怖畏或惡道中欲墮怖畏如是怖畏此  
業皆盡生人天中若復有人一聞如是四禪  
地依止念佛三昧志心信受如是念佛三昧  
有大勢力有大利益小小用心尚得如是何  
況至心無有疑惑說此三昧法時衆中八十  
六頻婆羅那由他百千從十方來諸天人等  
過去已曾爲此三昧所熏修者皆悉獲得如  
上所說復有八十四那由他衆生得苦智忍

無量衆生得此三昧或須陀洹至羅漢果無  
量衆生發菩提心時彼離暗五百魔女承佛  
神力在魔王宮悉皆得此念佛三昧悉捨本  
形得男子身曾於過去修學如是念佛三昧  
故時此五百諸魔王女得三昧已及男子身  
心生歡喜欲往佛所一切化作大梵天身一  
一梵王無量千億眷屬圍遶或作無量帝釋  
天身亦有千億眷屬圍遶各以無量種種音  
樂種種莊嚴如是化已從魔宮下向如來所  
設於供養種種華鬘末香塗香散於佛上頂  
禮佛足右遶三匝却住一面

大乘大方等日藏經昇須彌山頂品第十一



尔時佛告光味菩薩摩訶薩言善男子汝今當知彼一切龍惡道中生罪業悉盡復告光味空觀心念故時光味言如是世尊如來清淨戒行具足如來當爲一切諸龍作莊嚴故復次光味我於是時實爲諸龍不可思議業報差別欲廣說故尔時一切諸色欲天乃至夜叉鳩槃荼等從虛空中雨種種華散種種香衣服幢幡七寶瓔珞種種伎樂無量百千億那由他一時俱作歌詠讚歎出妙音聲人與非人僉然恭敬尔時世尊從座而起四面顧視向北方看此何處山與須弥接近彼欲界及於色天尔時如來與諸大衆菩薩聲聞

天人龍神一切八部四面圍遶前後道寸從趣  
須彌山是時如來欲以足步躡於山根次第  
登上大梵天等知佛欲昇須彌山頂即為如  
來化作七寶階橋持諸天衣及華香末種種  
校飾如是作已前白佛言唯願如來行我橋  
上他化樂天亦為佛故用閻浮金化作寶橋  
以龍旃檀末而散橋上作如是言唯願如來  
行我橋上化自樂天亦為佛故用諸天金化  
作寶橋種種牛頭旃檀末散於橋上作如  
是言唯願如來行我橋上兜率陀天亦為佛  
故以諸天銀化作寶橋以諸種種應時所出  
微妙之香名黑旃檀細末而散橋上作如是

言唯願如來行我橋上須夜摩天亦爲如來  
以天琉璃化作寶橋散諸種種多摩羅葉細  
末香作如是言唯願如來行我橋上天帝釋  
亦爲佛故以赤真珠化作寶橋以天種種栴  
檀一切寶末用散橋上又以天繒七寶妙網  
而羅覆之覆已作如是言唯願如來行我橋  
上如是四鎮四大天王亦以珍竒天石藏寶  
爲如來故化作寶橋亦持細妙種種天衣覆  
於橋上覆已作如是言唯願如來從我橋上  
須彌山是時四大阿脩羅王并其眷屬爲如  
來故以其所出摩娑羅寶化作寶橋持天金  
銀細末之屑散於橋上散已作如是言唯願

如來行我橋上。爾時世尊為彼一切梵釋四  
鎮及阿脩羅諸天王等以憐愍故一時化作  
八佛如來三十二相八十種好無有殊異八  
部四眾菩薩聲聞圍遶道。從彼一切天阿脩  
羅等如是大設諸莊嚴。已時佛世尊即上寶  
橋昇須彌頂。或餘處起或餘處去。彼八如來  
身大明耀。一佛身皆放光明如百千億日  
月之光。一時照明如是。八佛放身光已時諸  
龍眾一切皆在此。佉羅山聖人處所集聚而  
住。諸龍見已一切怪言。此是何處。八大護世  
今來依止於須彌山。爾時難陀優波難陀龍  
王作如是言。此是梵天一切欲色圍遶而住。

一切天中最爲殊勝到智慧岸憐愍我等故  
來至此今一切龍若欲得出此苦獄者皆可  
禮敬時阿那婆蹋多龍王作如是言此非梵  
天乃是魔王於欲界中威力自在愍我等故  
妻子眷屬皆悉圍遶爲欲界中一切衆生脫  
於怖畏故來是中救我龍厄時地利致色龍  
王作如是言此非魔王乃是欲界他化等天  
故來此中欲令一切諸龍解脫爾時衆中一  
切龍王皆發大聲作如是言願諸天等與我  
解脫與我解脫施我安樂令我早得出於此  
獄時娑伽羅龍王復作是言彼非兜率化自  
樂等此是天主釋提桓因所放光明照於欲

界及四天下觀彼一切四域衆生樂於善法  
汝等一切起慈悲心更勿生瞋於彼天所求  
乞解脫速離此苦時善住龍王作如是言此  
非帝釋乃是一切諸色界天捨於禪樂從彼  
下來欲雨法雨與衆生樂汝諸龍等一切至  
心禮拜乞救時毗昌伽蘇脂龍王復作是言  
此非色天神通力來是四天王毗沙門等爲  
護四方各各自將眷屬而來欲除罪惡諸衆  
生故尔時寶護龍王復作是言此非四天王  
我見深衣剃除鬚髮身服袈裟相好端然威  
德自在爲諸天人之所瞻仰恭敬供養合掌  
圍遶如日月天星宿遍遶此八大聖皆悉顯赫

堅固照明身紫金光三十二相慈悲一切於  
三界中得受供養卽時毗昌伽蘇胎龍王更  
如是言真實導師我觀見來能救能護一切  
衆生能竭苦海能於此獄與解脫樂今近住  
此須彌山頂如是世尊神通力故此須彌頂  
忽更廣闊八十四百千踰閻那卽時欲色一  
切諸天各欲供養於如來故爲佛造作七寶  
階橋樓閣梯橙次第節級乃至上到阿迦膩  
吒天各以種種不可思議天雜瑠璃羅網校  
飾猶如寶蓋巧妙少雙一切衆生見無厭足  
無量百千種種珍寶以用莊嚴種種天衣種  
種瓔珞種種繖蓋繒綵幢幡螺鼓鍾鈴華香

伎樂如是供養遍滿虛空。尔時世尊告帝釋言：「天主，如是三千大千世界娑婆刹土一切諸佛，并大菩薩摩訶薩、大阿羅漢、大仙聖人，及樂福德、大力魔王、種種色欲、天龍、夜叉、人非人等，於此三千大千刹住受用，皆訖如是。」帝釋此須彌山如來世尊十方佛刹諸來菩薩、大阿羅漢、一切聖人、樂福魔王、大德諸天，乃至於龍、夜叉、羅刹人及非人，此須彌山皆悉停住。汝諸天等當來世中，多得勢力。時天帝釋白佛言：「若佛如來憐愍我者，如是受用神通力作，及此三千大千世界娑婆刹中所，有菩薩、大阿羅漢、大梵魔王、他化樂天諸帝。」



釋天乃至於此娑婆世界所有天王龍王夜  
叉王軋闍婆王阿脩羅王迦樓羅王緊陀羅  
王摩睺羅伽王復有大力福德衆生天中聖  
人人中聖人一切皆來供養佛故見於佛故  
禮拜佛故聽於法故如是等衆此須彌山若  
受用者我於當來增大勝樂得大安隱尔時  
世尊受帝釋天於彼中住端坐正念熙怡微  
笑笑已口中出種種光青色黃色赤色白色  
紫玻璃色照此三千大千佛刹之中百億魔  
王宮百億帝釋宮百億梵天宮百億一切諸  
天王宮百億阿脩羅王宮百億聖人牟尼住  
處是一切光如是照已如上所說一切福德

大力魔王乃至聖人一切驚覺各各尋光乘  
神通力如一念頃來到於此須彌山頂尔時  
世尊現神光已告帝釋言天主如是三千大  
千世界一佛刹中則有百億須彌山王是時  
一切諸須彌中此須彌山最尊最勝何以故  
我及天人一切大集在此受用度諸龍故說  
此語時無量百億帝釋天等一切梵王皆大  
歡喜如是如來神通力故時四龍王皆得從  
彼聖人住處而出既得出已各還本方如是  
娑伽羅龍王還於南方大海岸中復其本身  
大如須彌乃至舉頭到帝釋宮自見於佛如  
是西方護寶龍王北方毗昌伽蘇脂龍王東

方蘇摩呼噓义龍王各還大海於舊宮中悉  
復本形乃至如前須弥山頭自來見佛所餘  
無量那由他百千萬億猶在彼處不能得出  
時一切龍向大聖人如是稱說願救濟我願  
救濟我於此獄中令速解脫尔時難陀優波  
難陀二龍王等從佉羅山聖人住處各以自  
身依須弥山化作大橋往帝釋宮作如是言  
唯願如來踏此橋上從須弥頂下佉羅坵聖  
人處坐為一切龍歸依說法時帝釋天如是  
念言此龍身澀毒氣皮鹿或傷如來足不安  
隱作是念已即以天服覆於龍身又持天中  
牛頭栴檀優羅伽娑羅栴檀多摩跋香此三

種香及以天華種種屑末散於橋上并蔽龍  
身時佉羅垓牟尼住處以佛力故更增廣博  
八十四億那由他百千踰闍彼處廣已大梵  
天王以天金銀化作師子須彌寶座種種莊  
嚴幡華帳蓋而安置之尔時一切諸龍王等  
聞是語已各白佛言世尊唯願憐愍救我等  
苦佛言龍王汝等先應至心念佛我當救之  
尔時世尊在須彌頂告於長老憍陳如言橋  
陳如諸佛境界奮迅神通加被之力如是說  
法及此一切三千大千娑婆世界佛刹之中  
所有一切無量衆生彼諸衆生聞我說法能  
聽受者憍陳如一切諸法悉皆無常一切諸

法生任無常何以故生因緣故如眼識生生  
已任任已念念更生此即是苦是生因緣即  
是苦生即是癱瘡即是一切十二有支即是  
生老病死因緣如是念念生滅如眼因緣耳  
鼻舌身亦復如是憍陳如任雖暫有滅更漸  
生此譬如窻此生任緣此苦因緣有此百種

老病及死如是展轉漸生因緣眼見造業隨  
見隨念隨念隨造所造生死因緣無窮憍陳  
如如眼寂滅光滅沒故不見衆色如彼日沒  
窻中不見若因緣滅一切患滅十二有枝一  
切寂滅生死寂滅如日沒緣耳鼻舌身亦復  
如是憍陳如如心寂滅所緣亦滅此窻因緣

如本不生一切萬法亦復如是此名苦滅一  
切患滅十二有支一切寂滅究竟生死盡諸  
有邊亦復如是憍陳如衆生不知眼之生滅  
隨逐耳鼻舌身所染是故流轉於五道中我  
之聖法能離生死過於彼岸是故如來爲斷  
一切眼生滅故而演說法亦爲說苦斷苦行  
法一切苦中得盡其底是故如來得此法已  
是一切天梵中大梵天中大天人中大人沙門  
中大沙門婆羅門中大婆羅門大慈悲中大  
悲最勝無上之尊爲大丈夫已度生死流轉  
彼岸一切世中最勝檀那曇摩僧琰摩何者  
檀那所謂捨施乃至頭目手足所須支節皆

悉能捨況復餘物此名檀那何者曇曇摩清淨  
持戒乃至人來索頭與頭心不瞋忿慈悲不  
失是名曇曇摩何者僧琰摩不捨六根一心禪  
定一切福德言語誦持憶念不忘此二思量  
思念已修此二種名僧琰摩一切衆生平等  
心法若我捨法曇曇摩檀那及僧琰摩四梵行  
法聖八正道如是之法慈心熏故此一切法  
於無量劫慈心修故如我所得一切諸法於  
衆生中廣演宣說亦作導師悲憐衆生開解  
其意演說此事無所缺減汝等今者應當一  
心信受奉持學習諸禪種種蘭若或林樹下  
或復塚間種種山巖崖岸中任於彼坐禪爲

盡生死故勤大精進身心不倦莫作下心無  
所成故死時悔惱此我一切所教之法如是  
說已此娑婆界三千大千佛刹之中百億四  
天下一四天下則有無量億那由他百千衆  
生彼諸衆生種種善根福德具足或得陀羅  
尼或得於忍或得法眼或得須陀洹乃至阿  
羅漢或有衆生地獄畜生餓鬼等中餘報惡  
業悉得盡滅如是夜叉貧窮因緣一切皆盡  
而得大富或有衆生人中貧窮惡業報盡及  
諸惡病皆得除愈獄禁衆生皆蒙解脫尔時  
娑伽羅龍王即於佛前說偈讚歎  
真金離垢滿月面  
清淨行具最勝田



三界天人龍中尊

能去衆生濁垢惱

施戒忍辱及精進

成就真實平等心

解脫諸龍施安樂

憶念往昔誓願力

慈悲久修衆業行

堅固勝彼諸衆生

如是備受衆苦辛

不忘彼龍諸所惱

種種流轉得越度

出過生死海彼岸

自身解脫濟群生

智水洗龍使清淨

大乘大方等曰藏經三歸濟龍品第十二上

尔時空中自然而雨種種香華種種寶衣種

種音樂種種歌舞充滿虛空一切天龍夜叉

羅刹及阿脩羅悉皆恭敬尔時世尊與諸大

衆菩薩聲聞左右圍遶前後隨從須弥頂蹈

龍身橋下佉羅坵聖人住處梵天所敷寶師  
子座坐於彼座時虛空中一切天龍夜叉羅  
刹并阿脩羅緊那羅等各設供養種種香末  
種種華香種種寶衣以散佛上右遶三而禮  
已而坐尔時娑伽羅龍王白佛言世尊何因  
緣故我等一切在龍中生佛言龍王諦聽諦

聽我今爲王分別廣說有十種業來生龍中  
何者爲十有諸衆生行六波羅蜜欲得阿耨  
多羅三藐三菩提覺亦願欲得無惡障礙或  
復欲得多修布施以時捨施願因緣故來生  
龍中復次龍王或有衆生於大乘中修行捨  
施福德果報因緣故願生龍中復次龍王或

有衆生爲阿耨多羅三藐三菩提故行於布施福報雖多不能清淨怖畏地獄餓鬼畜生中因緣故願生龍中復次龍王有諸衆生欲行阿耨多羅三藐三菩提時生高心大慢力因緣故願生龍中復次龍王有諸衆生發菩提願行阿耨多羅三藐三菩提時多生瞋恚恨他衆生以瞋忿向彼地獄餓鬼畜生生因緣故長起瞋忿如是死已願生龍中復次龍王有諸衆生求於小乘欲得福田覓聖人中捨布施報福德供養如是因緣自願力故來生龍中復次龍王有諸衆生嫉妬慢故彼業因緣來生龍中復次龍王有諸衆生多起憍

慢饒於語言以彼自業來生龍中復次龍王  
有諸衆生不信佛法僧寶又不供給和上阿  
闍梨及餘大德又不供養父母二親於中種  
種瞋忿毒心愛憎憍慢癡因緣故於福田中  
邪錯行故以是業緣來生龍中復次龍王有  
諸衆生種種癡慢惡業力多福德力少心怖  
畏故願生龍中復次龍王有諸衆生妄語兩  
舌惡口無慈此三業緣故而生龍中佛言龍  
王以此十種業因緣故來龍中生復次龍王  
復有三業因緣而生龍中何等爲三有諸衆  
生堅固惡業造身口意彼業熟故生地獄中  
經無量劫受大極苦難得解脫雖勉大業小

業未盡生於龍中或畜生中或餓鬼中以此  
三惡業因緣故來生龍中時娑伽羅龍復白佛  
言如是世尊而此龍中或有諸龍所受樂報  
猶如諸天或有餘龍受樂如人有如餓鬼如  
畜生者或有餘龍如地獄中受大辛苦說是  
語已時娑伽羅大龍王子名青蓮華向前白  
佛言世尊我何惡業罪因緣故來生龍中身  
大端正所有色觸或復衣裳及坐卧處於一  
切時我身受用猶如火燒常無衣服赤體而  
行如我父王樂受最勝如轉輪王果報不異  
佛言華面諦聽諦聽善思念之今當爲汝說  
於本事乃往過去三十一劫有佛世尊名曰

尸棄多陀阿伽度阿羅訶三藐三佛陀時彼  
世中有王名曰裴多富沙彼富沙王於三月  
中供養彼佛并及無量百千須陀洹斯陀舍  
阿那含阿羅漢并大菩薩摩訶薩衆以種種  
衣服飲食湯藥而供給之至心聽法旣聞法  
已即發阿耨多羅三藐三菩提心如是三月  
設供養已彼富沙王爲尸棄佛及餘衆僧造  
立寺舍施種種衣飲食湯藥牀卧被褥具足  
豐饒彼富沙王第一太子名裴多娑樹帝彼  
娑樹帝見佛聞法於流轉中生大怖畏從父  
王邊禮拜諮啓請欲就佛願求出家王報子  
言欲往隨意任汝出家旣出家已又白父言

我欲父王寺上停止富沙王言亦隨汝意往  
彼寺中時尸棄佛衆僧弟子在彼寺中坐卧  
受用罄斲飲食彼富沙子裴多樹帝妬嫉心  
生忿彼舊任佛弟子衆恒瞋罵之時彼衆僧  
被瞋罵已悉皆離寺彼娑樹帝見僧去已生  
歡喜心即自念言彼去者好我大安隱衆僧

去已時娑樹帝恣用寺內衣服飲食有餘人  
來即不聽任彼娑樹帝具造如是諸惡業已  
命終之後生大地獄中經無量千萬那由他  
歲受諸火燒地獄得脫生餓鬼中復經無量  
百千萬歲而受辛苦餓鬼中死還墮地獄脫  
地獄已生餓鬼中如是經由三十一劫汝等

諸龍諦聽諦受其娑樹帝於流轉中具足如  
是受諸辛苦佛言華面彼娑樹帝者豈異人  
乎即汝身是也乃往過去惡業因緣故生大  
地獄餓鬼畜生輪轉受苦經是三十一大劫  
中備受衆苦未曾暫捨餘殘業故來生龍中  
受是惡報時華面龍聞是語已大聲啼哭舉  
身自投四支布地禮拜白佛作如是言我今  
至心從佛懺悔我大癡惑大慢愚朦不解方  
便差別好惡造是罪業低頭合掌至心發露  
不敢覆藏如來世尊我今至誠入於骨髓歸  
佛歸法歸比丘僧從今發意乃至壽盡於具  
時中作優婆塞佛言善哉善哉善男子汝今



有於地獄餓鬼惡道業報如是至心歸依我  
者得盡彼業此中死已值弥勒佛得於人身  
於弥勒佛法中出家證羅漢果佛言華面莫  
更狐疑時彼裴多富沙人王於三月中以種  
種資生供養尸棄如來及諸菩薩聲聞衆故  
今得此報受娑伽羅大龍王身猶如天樂三  
十一劫不生三惡常生天人受如是報彼亦  
爲於阿耨多羅三藐三菩提行因緣故來此  
龍中願欲得生說是語時一切諸龍皆大懊  
惱悔待先各悉於佛前至心供養

大乘大方等日藏經卷第九

虞

問婁二音樓 羈又居 且 跋字吹 起及是 支 踏亦作 踊及如

嬪上音菲 下音 脫屣及下 所綺 蛸飛上音紆 緣及

類 絳音畫 絲 楮直慮 及 金翅音施 續紛上音 實及


下芳文及 一 折械上戶 剛及 扭 菟及 奴 侯 勦勦

音窟力 僉然上七 廉 蹠尼 輒及 天 繒下疾 陵

屑 先節也 梯橙下都 鄧及 正 繖 蓋上音 傘 蚤 鼓

耳螺 熙怡下和 悅及 一 琰 靡上失 暨 敢上音

裴音陪



猪飼順良寄附

